



СЕРІКТЕСТІК ҚАБЫРҒАСЫНДА

«Мен жастарды жұмысшы мамандығын белсенді меңгеруге шақырамын. Жұмысшы мамандықтарын меңгеру керек».

Елбасы Н.Назарбаевтың «Қазақстан жаңа жаһандық нақты ахуалда: өсім, реформалар, даму» Жолдауынан.

Фарида МҰҢАЛҚЫЗЫ

Ақтық кезеңнің ашылуы

Қоғамның әрбір саласында ұйымдастырылатын сайыстар үздіктерді анықтап, бір салада жұмыс істейтін әріптестердің бір-бірімен тәжірибе алмасуына, шеберлігін шыңдауына, еңбек ұжымдары арасында тығыз байланыс орнауына жол ашып, еңбекке деген құлшыныстарын арттыра түседі. Мұнайлы мекендегі алпауыт компания «Маңғыстаумұнайгаз» АҚ-ға транспорттық қызмет көрсететін «Ойл Транспорт Корпорейшн» ЖШС «ҚазМұнайГаз» ҰК» АҚ еншілес компаниялары арасында жұмысшы мамандықтар бойынша дәстүрлі өткізілетін «Үздік маман» байқауының биылғы жарысына іріктеудің ақтық кезеңін өткізді. Жұмысшылардың теориялық және тәжірибелік білімін сараптайтын сайыс серіктестіктің өндірістік базасының аумағында ұйымдастырылды.

Ақтық кезеңнің ашылу салтанатында әсем безендірілген өндірістік алаң аумағы мерекелік шараның шырайын келтіріп тұр. Жарысқа сакадай сай тұрған түрлі техникалар қаз-қатар сап түзеген. Бірнеше айдан бері «Ойл Транспорт Корпорейшн» ЖШС-ға қарасты Маңғыстау, Бозашы, Жетібай технологиялық көлік басқармаларында өткен сайыстарда топ жарып шыққан үздік мамандар бақ сынауға келген. «Ойл Транспорт Корпорейшн» ЖШС бас директоры Серік Кеулімжәев сайысқа қатысушыларға құттықтау тілегін жеткізді.

— Құрметті «Үздік маман» байқауына қатысушылар! Сіздер серіктестікке қарасты құрылымдардың ішінде өткен байқауда білімдеріңіздің қандай деңгейде екенін көрсетіп, өз мамандықтарыңыздың мықтысы екендіктеріңізді дәлелдедіңіздер. Бүгінгі байқауда оза шапқан мамандар «ҚазМұнайГаз» ҰК» АҚ еншілес компаниялары арасында өтетін сайысқа жолдама алып, «ОТК»-ның намысын қорғайды. Сынақтан сүрінбей өтіп, артылған сенімді абыроймен ақтаңыздар! — деді Серік Жеткіргенұлы.

«Ойл Транспорт Корпорейшн» ЖШС кәсіподақ комитетінің төрағасы Марат Темірқасов қатысушыларға сәттілік тілеп,

агрегатының машинистері, жүк көлігінің, автобустың жүргізушілері, жөндеушілер мен жас жөндеушілер 1 сағаттың ішінде 50 сұраққа жауап беруі тиіс.

басталар сәтте сайыскерлер көліктеріне мініп, тапсырманы орындауға қамданды. Сөйтіп, төрешілердің нұсқауынан кейін алғашқы болып самосвал көлігінің жүргізушілері жарысты бастады. Бұл сайысқа



ҮЗДІК МАМАН

Мен берілген уақыттың алғашқы 20 минутында тапсырманы орындап, емтихан залынан алғашқы болып шықтым. Алдын ала дайындалғандықтан сұрақтар қиын болған жоқ. Барлық сауалдар күнделікті жұмысымызда кездесетін жағдайларға байланысты болды. Мен осы Маңғыстау технологиялық көлік басқармасында 5 жылдан бері жұмыс жасап келемін. Екі кезеңнен де сәтті өтіп, жүлделі орын аламын деген сенімдемін, — деді сайысқа қатысушы Сәрсенбай Қожжанов.

Белгіленген уақыттың ішінде екі аудиториядағы мамандардың



қатысушылар 8 санын салу, көлікті тұраққа қою, алға және артқа жылжу, гаражға кіргізу сынды тапсырмаларды орындап шықты. Уақыт пен дәлдікті қажет ететін бұл сайыста төрешілер ақ жалауды көтерсе, жүргізушінің жарыс ережесін бұзбағаны, ал қызыл жалау талаптың сақталмағанын, жүргізушінің шатаسقанын білдіреді. Бұл мезетте келесі алаңда автокран жүргізушілері су толған бөшкені көтеріп, ішіндегі суды төкпей,

белгіленген жолмен жүргізу тапсырмасын орындап жатты. Техникалық қауіпсіздікті сақтай отырып, уақыт пен ұқыптылыққа жұмыс істеген жүргізушілер өз қабілеттіліктерін көрсете білді.

Цементтеу агрегатының машинистері бұрғылау үдерісінде күрделі өңдеу кезіндегі тығыздық пен қысымды ескере отырып, жасанды ұңғымаларды цементтеу кезіндегі шеберліктерін байқатты. Жас жөндеушілер де көліктердің құрылымдарын жөндеу, шашу және қайта жинау тапсырмаларын шап-



барлығы сынақтың сұрақтарына жауап беріп, емтихан тапсырып шықты. Комиссия мүшелері қатысушылардың білім деңгейін тексеруге кірісіп кетті.

Өндірістік алаңда сайыстың екінші кезеңі



артылған сенім үдесінен шығуға сенімділік білдірді.

Салтанатты сәтте «Ақжарма» фольклорлық ансамблінің өнерпаздары күмбірлетіп күй төгіп, ән-жырдан шашу шашты.

Сайыс қызықты өтті

Ақтық сайысқа жолдама алған 21 маман екі аудиторияға бөлініп, теориялық сұрақтарға жауап берді. Алғашқы кезеңде автокран, цементтеу



шандықпен атқарып шықты.

—Техникалық қауіпсіздік пен қойылған талапты орындай отырып, жұмысты ойдағыдай аяқтап шықты. Әріптесім Рақымжан Мәдиев екеуіміз жинақылық, жылдамдық, ұқыптылық көрсеттік деп ойлаймын. Мен 14 жылдан бері Бозашы технологиялық көлік басқармасында цементтеу агрегатының машинисі болып жұмыс жасаймын. Осы жылдар ішінде әріптес ағаларымның арқасында мамандығымның қыр-сырын меңгеріп, жұмысқа төселіп қалдым, — деді сайыскер Айтқали Оразбай.

Өндірістік алаңның әр жерінде өтіп жатқан қызу тартысқа толы сайыста қатысушыларға «Ойл Транспорт Корпорейшн» ЖШС қызметкерлері қолдау көрсетіп, жанкүйер болды.